



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Ivramentvm Fidelitatis Innocentio III. praestium à Petro Praefecto Urbis.

**urn:nbn:de:hbz:466:1-20006**

Domino curabimus dilatare. Tu verò, sicut caram habes gratiam nostram & Regis, memoratum D. & alios quos cum ipso cepisti, tam cautè, tam diligenter, & ardè facias custodiri, quòd nec fugere possint, nec circumvenire valeant tuæ industriam probitatis. Nec te Marcoualdi aut suorum minæ deterreant, nec preces demulceant, nec munera frangant, nec promissiones emolliant, aliquorum iuramentis aut obligationibus quibuscumque omnino non credens, donec de terris, personis, & rebus ita providè cum nostro consilio disponatur, ut per hoc & Regis honos & regni tranquillitas & tuus profectus per nos magnificè procuretur; pro certo confidens quòd nos ultra fortè quàm credas tuum procurabimus incrementum. Quoniam si, quod absit, semel tuas manus evade-ret, in te ac terram tuam perpetuò defæviret. Volumus autem ut super hoc nobis consilium tuum plenius & voluntatem exponas; ut cognita intentione quam habes, possimus expressius respondere.

*PE. COLIMBRIENSI  
Episcopo.*

**F**ratrum & cõepiscoporum nostro-  
rum justitiæ consulere volumus, &  
eorum gravaminibus præcavere; ne si  
nostro fuerint subsidio destituti, gravem  
sentiant læsionem. Sanè significasti no-  
bis in nostra præsentia constitutus, quòd  
quidam in tua dioecesi commorantes,  
eò quòd in Canonicorum sanctæ Cru-  
cis vel aliorum privilegiatorum sunt  
fraternitate recepti, jura tibi episcopa-  
lia non persolvunt. Eapropter, vene-  
rabilis in Christo frater, tuis precibus  
annuentes, auctoritate tibi præsentium  
indulgemus, ut quandiu confratres hu-  
jusmodi moram fecerint in domibus  
suis in habitu seculari, & ab Ecclesiis  
tuis ecclesiastica receperint sacramenta,  
sicut priùs, tibi jura episcopalia solve-  
re teneantur. Nulli ergo &c. Datum  
Laterani XIII. Kal. Martij.

**STEPHANI BALVZII  
TVTELENSIS**

*ADMONITIO AD LECTOREM.*

**S**equentes epistolæ non extant in superioribus editioni-  
bus. Sed ex diversis locis conquisitas, cum pertineant  
ad primum annum pontificatus Innocentij, heic vice ap-  
pendicis edendas esse censimus. Et fidelitates quidem Pe-  
tri Præfati & Comitis Idebrandini editæ fuerant à Ma-  
terno Cholino in fine libri secundi, loco non suo. Epi-  
stolam verò ad Oddonem Episcopum & Capitulum Pin-  
nenle suppeditavit tomus septimus Italiae sacre Ferdinandi  
Vghelli, reliquas Chronicon Gervasij monachi Cantua-  
riensis.


*IVRAMENTVM FIDELITATIS  
Innocentio III. præstitum à Petro  
Præfecto Urbis.*

**I**N nomine Christi. Ego Petrus Urbis  
Præfectus juro quòd terram quam  
michi Dominus Papa procurandam com-  
misit, fideliter procurabo ad honorem  
& profectum Ecclesiæ, non vendam,  
nec locabo, nec infeudabo, nec impi-  
gnorabo, nec aliquo modo alienabo  
quicquam ex ea. Injustitias & rationes Ec-  
clesiæ Romanæ studiosè requiram & re-  
cipiam, & jura ipsius recuperare stude-  
bo, & recuperata & habita conservabo  
& defendam, quandiu mihi procuratio-  
nem dimiserit. Stratam custodiam, & ju-  
stitiam exercebo. Ad custodiam muni-  
tionum diligens studium & operam effi-  
cacem impendam ut ad honorem &  
mandatum Ecclesiæ Romanæ bene cu-  
stodiantur. Castellanos & servientes nec  
mutabo nec alios introducam, nec mu-  
tari faciam nec alios introduci, præter  
mandatum Domini Papæ. Fideles & vas-  
sallos de patrimonio Ecclesiæ sine spe-  
ciali mandato Romani Pontificis ad fi-  
delitatem & dominium meum non re-  
cipiam, & ex ea non faciam mihi affida-  
tos teneri, nisi procuratione durante. In  
terra meæ procurationi commissa muni-  
tiones ædificari non faciam sine speciali  
mando Domini Papæ. Quodcumque  
fuero requisitus per Dominum Papam  
aut nuntium vel litteras ejus, reddam ra-  
tionem de procuratione fideliter. Et  
quodcumque jussus à Domino Papa vel  
ab Ecclesia Romana, integrè & liberè re-  
signabo. Hæc omnia juro me fideliter ser-  
vaturum sine fraude pro posse meo. Salvo  
in omnibus mandato Domini Papæ. Sic

*Epist. 577.  
Vide supra epist.  
23. Gesta In-  
nocentij III.*

T E

*Epist. 576.  
Ve omnes jura  
episcopalia suo  
Episcopo per-  
solvant.*





## 330 Epistolarum Innocentij III.

me Deus adjuvet & hæc sancta Dei evangelia.

### IVRAMENTVM COMITIS Ildebrandini.

Epist. 578.

**E**GO Comes Ildebrandinus ab hac hora in antea fidelis ero beato Petro & Domino meo Papæ Innocentio ejusque successoribus canonicè intrantibus & sanctæ Romanæ Ecclesiæ. Non ero in facto, neque in dicto, neque in consilio, aut in consensu, ut vitam perdant aut membrum, vel capiantur mala captione. Consilium quod per se vel per suum nuntium aut per suas literas mihi manifestaverint, ad eorum damnum me sciente nulli pandam. Si eorum certum damnum sciero, si possum, remanere faciam, sin autem, aut per me aut per meum nuntium vel per talem personam, quam pro certo credam eis dicturam, significabo. Papatum Romanum & regalia beati Petri, & nominatim Montem altum, & quicquid aliud teneo de ipsis regalibus, adjutor ero ad retinendum, quæ non habet ad recuperandum, & recuperata ad retinendum & defendendum contra omnes homines. Cùm autem à Domino Papa fuero requisitus per literas ejus aut per nuntium suum certum, ad præsentiam ejus accedam, ubi securus possum accedere, & in manibus ejus ligium hominum ei faciam. Hæc omnia bona fide sine fraude & malo ingenio observabo. Sic me Deus adjuvet & sancta hæc evangelia.

### ODDONI EPISCOPO & Capitulo Pennens.

Epist. 579.  
Confirmat compositionem factam inter Episcopum Pennensem & monasterium S. Viti de Furca.

**I**Nnocentius Episcopus servus servorum Dei venerabili fratri Oddoni Episcopo & dilectis filiis Canonicis Pennensibus salutem & apostolicam benedictionem. Iustis petentium desideriis dignum est nos facilem præbere consensum, & vota quæ à rationis tramite non discordant effectu prosequente comple-  
re. Eapropter vestris justis postulationibus \* impartientes assensum, quæ inter bonæ memoriæ Odorisi Pennensem Episcopum & Odolerium Priorem sancti Viti de Furca, super justitiis quas Pennensis Ecclesia in Ecclesia sancti Viti de Piscaria, quæ memoratæ Ecclesiæ sancti Viti de Furca noscitur esse subjecta, diocesana lege tanquam matrix Ecclesia

\* benignum

vindicabat, amicabiliter intercessit, sicut legitimè facta est & ab utraque parte recepta, & hæcenus observata, ut in scripto authentico confecto exinde continetur, auctoritate apostolica confirmamus, & præsentis scripti patrocinio communimus. Decernimus ergo ut nulli omnino hominum liceat &c. Si quis autem &c. Datum Romæ apud sanctum Petrum XIII. Kal. Maij, pontificatus nostri anno primo.

### REGI ANGLIÆ.

**I**Nnocentius Episcopus servus servorum Dei illustri Regi Angliæ salutem & apostolicam benedictionem. Quoniam de regia celsitudine spem certam & fiduciam obtinemus ut Ecclesias & ministros ecclesiasticos dignè satagat honorare, ipsosque suæ defensionis & protectionis munimine confovere, regalem magnitudinem ad hæc libenti animo apostolicis exhortationibus invitamus, & animum tuum ad ea volumus inducere per quæ Regi Regum, cujus propitiante gratia regni obtines dignitatem, dignis operibus valeas complacere, ipsiusque tibi conciliare favorem. Nos itaque pro dilectis filiis nostris monachis Cantuariensis Ecclesiæ preces apostolicas porrigimus, magnificentiam tuam rogamus, monemus, & in Domino attentius exhortamur, quatenus ipsos & eorum Ecclesiam propensius habeas commendatos intuitu precum nostrarum, & ob reverentiam gloriosi martyris Christi Thomæ, qui sanguine martyrij Cantuariensem Ecclesiam illustravit, & à malignantium propulsione defendas, & eis sua jura illibata studeas & integra conservare. Datum Romæ apud sanctum Petrum Non. Martij, pontificatus nostri anno primo.

Epist. 580.  
Scribit pro monachis Cantuariensibus.

### SUFFRAGANEORVM Cantuariensis Ecclesiæ ad Innocentium Papam.

**R**everendo Patri & Domino Innocentio Summo Pontifici suffraganei Cantuariensis Ecclesiæ salutem. Gratias agimus gratiæ largitori, qui suam fundans Ecclesiam supra petram, in Petro & per eum in successoribus ejus fratres suos confirmandos esse prædixit. Unde & cùm de beatæ recordationis Celestini Papæ III. obitu essemus perturba-

Epist. 581.  
Retribuit in causâ capellæ de Lambec. Vide supra epist. 42.